

卷八十五

書名 大學衍義
 補一百六十卷首一卷目二卷
 正德元年刊本
 撰者 明 丘濬 撰
 卷 卷八十五
 內容分類 子-儒家-議論經濟-明
 索書號 大木-總類-政論-諸子-45
 編號 C4491800

[彩色首頁1](#)

[東洋文化研究所漢籍目錄 編號 C4491800](#)

[東洋文化研究所漢籍目錄所藏漢籍善本全文影像資料庫 索書號 大木-總類-政論-諸子-45](#)

[漢籍善本全文影像資料庫文本 大學衍義補一百六十卷首一卷目二卷 正德元年刊本](#)

版權所有: 東京大學 東洋文化研究所
 使用上的注意事項

大學衍義補卷第一

治國平天下之要

正朝廷

總論朝廷之政

按宋儒真德秀大學衍義格物致知之
 要既有所謂審治體者矣而此治國平天
 下之要又有正朝廷而總論朝廷之政何
 也蓋前之所審者治平之體言其理也此
 論者治平之政言其事也一主於知
 於行蓋必知於前而後能行於後後

朝之謚皆出 恩賜然 竊以謂

九重之上於臣下之賢否未易盡知請自今以後有應得謚者未 賜之先先下攸司俾其考訂以聞然後從中賜下如此則得之者以為榮不當得者不因其親故之囑託其當得者不為朋黨之掩蔽

國家激勸臣子之大端有在於是其為世教之助夫豈細哉

以上舉贈謚

大學衍義補卷第八十一

大學衍義補卷第八十五

治國平天下之要

備規制

都邑之建

書禹貢曰冀州

蔡沈曰冀州帝都之地八州皆言疆界而冀不言者以餘州所至可見亦所以尊京師示王者無外之意

臣按朱熹語錄冀都正是天地中間好風脈從雲中發來雲中正高脊處自脊以

則西流入于龍門西河自有以東之水
入于海前面一條黃河環繞右畔是華山
山來至中為嵩山。是謂前案遂過去為泰山從
于左淮南諸山為第二重案江南諸山為第三
重案觀是言也則知古今建都之地皆莫有過
於冀州可知矣虞夏之時天下分為九州冀州
在中國之北其地最廣而河東河北皆在其域
中四分之一舜分冀為幽并營幽與并營皆冀
境也就朱子所謂風水之說觀之風水之說起
於郭璞謂無風以散之有水以界之也冀州之

中三向距河處是為平陽蒲坂乃堯舜建都之
地其所分東北之境是為幽州太行自西來演
迤而北綿亘魏晉燕趙之境東而極于醫無閭
重岡疊阜鸞鳳峙而蛟龍走所以擁護而圍繞
之者不知其幾千萬重也形勢全風氣密堪輿
家所謂藏風聚氣者茲地實有之其東一帶則
汪洋大海稍北乃古碣石淪入海處稍南則九
河既道所歸宿之地浴日月而浸乾坤所以界
之者又如此其直截而廣大也况居直北之
上應天垣之紫微其對面之案以地勢

泰岱萬山之宗正當其前也。夫天之象以極則地之勢亦當以北為極。易曰艮者東卦也。萬物之所以成終而成始也。艮為山水為地之津液而委于海。天下萬山皆成於北。天下萬水皆宗于東。於此乎建都是為萬物所以成終成始之地。自古所未有也。茲蓋天造地設藏之以有待我。

太宗文皇帝初建藩于茲。既而入正大統。乃循成王宅洛故事。而又於此建都焉。蓋天下王氣所在也。前乎元而為宋。宋都于汴。前乎宋而為唐。

唐都于秦。在唐之前則兩漢也。前都秦而後洛。然皆非其北境也。雖曰宅中圖治道里適均而天下郡國乃有背之而不面焉者。元人雖都于此。然夷狄雜氣不足以當中國帝王之統。惟我朝得國之正。同乎堯舜拓地之廣。過於漢唐。書所謂東漸西被。朔南暨聲教訖于四海。僅再見也。猗歟盛哉。孔子曰。為政以德。譬如北辰。居其所而衆星共之。易曰。離萬物皆相見。南方之卦也。聖人南面而聽天下嚮明。而治天以北。天之樞居微垣之中。而受衆星之環拱。

固在北也天之道在北而面之所嚮則在子
焉今日

京師居乎良位成始成終之地介乎震坎之間
出乎震而勞乎坎以受萬物之所歸體乎北極
之尊嚮乎離明之光使天萬方之廣億兆之多
莫不面焉以相見則凡舟車所至人力所通者
無不在於照臨之中自古建都之地上海得天時
下得地勢中得人心未有如

今日者也况此乃蘇秦所謂天府百二之國社
牧所謂王不得不可為土之地牧之言曰高

九州一曰冀州舜以其分太大離為幽州其入

沈鷲多材力重許可能音辛苦本在天他不能

蕩而自若也復產健馬下者日馳二百里所以

兵嘗當天下一則其兵馬之彊在昔則然矣且其

地擬大海在秦始皇時起黃腫瑯琊負海之粟

轉輸北河是時海運固已通于茲矣唐杜甫謂

漁陽豪俠之地雲帆轉遼海糧稻來東吳則唐

時又通東吳之粟于此焉胡元盛時漕東南粟

至燕歲幾至四百萬石而南方之貨亦隨以至

是蓋天生鉅海以為

國家餽道不假通渠轉漕自然而成者也則其
食貨之豐有非他方可及可知已噫兵食俱足
文武並用四明以用文而臨乎華夏則有以成
文明之化情幽以建武而禦乎戎夷則有以張
震疊之威臣故曰自古建都之地上得天時下
得地利中得人心皆莫有如

今日者此也雖然君之安者不可不思其危享
全盛者不可不為衰微之慮詩不云乎殷鑒不
遠在夏后之世自昔都燕者始于召公而極于
金元然召公諸侯也金元乃夷狄上不足以當

天心下不足以乘地氣無足道者其人雖不足
道而其事勢則有可以為鑒戒者焉金人之禍
在夷狄所謂土崩之勢者也元人之禍在中國
所謂瓦解之勢者也鑿金人之失則必固邊圉
選將帥強兵馬豐貨食使國勢壯而外虜不敢
興窺伺之心鑿元人之失則必謹法度用賢才
省刑罰薄稅歛使朝綱正而生靈不敢萌背畔
之念如此則

國家如泰山之安與天地相為悠久矣

召誥惟二月既望

十六也

越六日

乙未

王朝步自周

錫

則至于豐豐錫至洛邑惟太保先周公相宅越若來

古語二月惟丙午明生之名越三日戊申太保

朝至于洛卜宅厥既得卜則經營越三日庚戌太保

乃以庶殷殷之衆庶攻位于洛內越五日甲寅位成若翼

日乙卯周公朝至于洛則達觀于新邑營經營越三

日丁巳用牲于郊牛二越翼日戊午乃社于新邑牛

一羊一豕一越七日甲子周公乃朝用書書役命庶殷

侯甸男邦伯

蔡沈曰周鎬京也去豐二十五里文武廟在焉成

王至豐以宅洛之事告廟也成王在豐使召公先

周公行相視洛邑召公于豐迺遷而來也卜宅者

用龜卜擇都之地既得吉卜則經營規度其城郭

宗廟郊社朝市之位位成者左祖右社前朝後市

之位成也周公至則徧觀新邑所經營之位郊祭

天地也故用二牛社祭用大牢禮也皆告以營洛

之事春秋傳曰士彌牟晉大夫名營成周計丈數揣高

揣曰高低度厚薄度曰深溝洫物土方議遠邇量事

期計徒庸慮材用書餼乾糧以令役於諸侯亦此

意又曰左傳曰武王克商遷九鼎于洛邑史記載

武王言我南望三塗山名北望嶽鄙太行山下顧瞻

有河粵瞻洛伊。毋遠天室。營周居于洛邑而後去。則宅洛者武王之志。周公成王成之。召公實先經理之。洛邑既成。成王始政。召公因周公之歸。作書致告達之於王。其書拳拳於歷年之久。近反德。夏商之廢興。究其歸。則以誠小民於祈天命之本。以疾敬德為誠小民之本。一篇之中。屢致意焉。古之大臣。其為國家長遠慮。蓋如此。

洛誥惟三月。周公攝政七年三月哉。生鬼也周公初基

作新大邑于東國洛。四方民大和會。侯甸男邦采衛百工。詔播民和。見士于周。周公咸勤。乃洪大誥治。

本洛誥文
誤在康誥

呂祖謙曰：斧斤版築之事亦甚勞矣，而民大和會，悉來赴役，即文王作靈臺，庶民子來之意。

周公拜手稽首曰：朕復如復子明辟辟君也

予惟乙卯師召誥朝至于洛師滿言京師我卜河朔黎水

河北黎水我乃卜澗水東，灑水西，惟洛食食其墨也我又

卜灑水東，亦惟洛食。佅使來也以圖洛之圖也及獻卜兆辭也

蔡沈曰：此下周公授使者告卜之辭。拜手稽首者

史記周公遣使之禮也。成王命周公往營成周，周

公得卜。復命于王也。澗水東。灑水西。王城也。朝會之地。灑水東。下都也。處商民之地。王城在澗。灑之間。下都在灑水之外。其地皆近洛水。故兩云。惟洛食也。

陳大猷曰。成王實都鎬京。特往來朝諸侯。祀清廟於洛。故鎬京謂之宗周。以其為天下所宗也。洛邑謂之東都。又謂之成周。以周道成於此也。洛邑天下之至中。豐鎬天下之至險。成王於洛邑。定鼎以朝諸侯。所以承天地冲和之氣。宅土中以涖四海。其示天下也。公於鎬京定都。以壯基本。所以據天

下形勝。處上游。以制六合。其慮天下也。遠漢唐並建兩京。蓋亦識形勢之所在。而有得於成王周公之遺意歟。

臣按此。古人都洛之始。而並建兩京者。亦始於是焉。夫武王得天下。都于豐鎬。成王繼其志。卽有宅洛之舉。亦猶我

太祖建都于吳。而

太宗繼之。而又建都于燕也。成周之後。漢唐宋皆並建兩京。然漢唐皆以長安為西京。洛陽為東京。宋以汴為東京。洛為西京。其地皆接壤相去

不甚遠也。惟我

朝則以南北為稱蓋跨江南北而各為一大都會也。仰惟我

高皇帝定鼎金陵天下萬世之大利也

文皇帝遷都金臺天下萬世之大勢也。蓋天下財賦出於東南而金陵為其會戎馬盛於西北而金臺為其樞。並建兩京所以宅中圖治。足食足兵據形勢之要而為四方之極者也。用東南之財賦統西北之戎馬無敵於天下矣。

詩文王有聲其二章曰文王受命有此武功既伐于

崇作邑

徒都也

于豐

即崇國地在今鄆縣

文王烝

君也

哉其七章曰

考

稽也

維王宅

居也

是鎬京

在豐水東

維龜正

決也

武王成

之

居也

武王烝哉

朱熹曰此詩言文王遷豐武王遷鎬之事

朱熹曰大命自文王而始集故武功自文王而始

成伐崇所以除天下之暴作豐所以立天下之本

有以除天下之暴則人心服有以立天下之本則

人心歸此文王之所以克君也又曰武王之遷鎬

非以徇一己之私也必考之於卜以定其宅焉惟

龜為能致其決惟武王為能成其事則武王之遷

固將上以承天意。下以順民心。前以成先王之志。後以開無窮之基。信乎其克君也哉。

臣按周家自后稷居郃公劉居豳太王邑岐而文王始營鎬邑。至于伐崇又作豐邑居之。武王又於豐旁近地二十五里。制為鎬京。蓋其所以遷者。以勢益大人。益衆不足以容之故也。蓋當疆盛之時。而為遷都之舉。非若後世衰微而後遷也。是故自郃而豳而岐而豐而鎬而又宅洛。此周家所以日盛也。至于平王而東遷。則淪于衰微矣。竊嘗論之。遷都之舉。惟可於方盛之時。

至于衰微而遷者。未有能復興者也。觀諸東周。東晉南宋可見矣。惟光武遷洛。則是中興非衰微也。

商頌玄鳥之篇曰。邦畿千里。維民所止。居肇也。開域彼

四海

朱熹曰。言王畿之內。民之所止。不過千里。而其封域則極乎四海之廣也。

嚴粲曰。京師諸夏之本。王圻之內。人心安止。則四海之大。皆在統理之內也。

臣按先儒謂王畿自東自西自南自北皆千里

也。千里之內為畿，是皆聲明文物之所萃，衣冠禮樂之所會。為鈞天帝居之尊，非復陋邦僻壤之比。農願耕於其野，商願出於其塗，賈願藏於其市，咸得吾所當止之地也。豈不猶大學之止於至善乎？故曾子傳大學首引此詩語，以釋在止於至善之義，有由然也。

殷武之五章曰：商邑翼翼。

翼翼，貌。整敕貌。

四方之極。

極，表也。赫赫，盛顯貌。

厥聲濯濯，明厥靈壽。考且寧，以保我後生。

朱熹曰：商邑，王都也。言高宗中興之盛。

輔廣曰：高宗中興，王都始復，翼翼然為四方之儀。

表是蓋有以使之然者矣。不獨是也。又有赫上然風聲之盛，濯上然威靈之光。此高宗所以享國長久而又有以保安其後嗣子孫也。

臣按京都為四方之極，亦猶紫宮為周天之極也。有京師以為四方之極，有帝王以建惟皇之極，則其為所以赫上厥聲，濯上厥靈者，有以聳萬國之觀瞻，為萬民之儀表，傳之於千萬世而無窮矣。

以上都邑之建上

大學衍義補卷第八十五

大學衍義補卷第八十六

備規制

都邑之建下

周禮惟王建國辨方正位體國經野設官分職以為民極

鄭玄曰建立也周公相成王營邑於土中是為維邑

吳澂曰周公居攝營邑於洛中七年致政成王使居維邑治天下而立國都焉辨別也別東西南北之四方正祖社朝市之位體猶分也經猶畫也體